



Inatsisartunut ilaasortaq
Nivi Rosing

Ullukinneq pillugu § 37 naapertorlugu apeqqummut 2025-37-mut akissut

Apeqqutit ataaniittut matumuuna akineqarput:

1. Ullukinneq ullutut sulinngiffittut ilivitsutut sulinngiffinngortinniarlugu Naalakkersuisut inatsisissatut siunnersuummik saqummiussissappat?

Brevdato: 08-08-2025
Sagsnr.: 2025-10718

Akissut:

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Aalajangiiffisassatut siunnersuutip UKA2024/547-p suliarinerani Inatsisartut aalajangigaat apeqqummi tunngavilersuutitut innersuutigineqarpoq. Erseqqissaatigineqassaaq aalajangiiffisassatut siunnersuutip suliarinerani allannguutissatut siunnersuut imaattoq, Inatsisartut Kultureqarnermut, Ilinniartitaanermut, Iisimatusarnermut Ilageeqarnermullu Ataatsimiititaliaanit saqummiunneqartoq, akuerineqarmat:

"Ullup affaa sulinngiffiusartup imaluunniit ulloq tamaat sulinngiffiusup allap nuunneratigut ullukinnermi ullup affaa imaluunniit ulloq ilivitsaq sulinngiffeqartalernissamut periarfissap eqqartorneqarnissaa siunertarlugu pisortani namminersortunilu isumaqatiginninniarsinnaatitaasut attaviginissaannut Naalakkersuisut peqquneqarnissaat pillugu Inatsisartut aalajangiiffisassaattut siunnersuut."

UKA2024/57-ip suliarinerani oqaatigineqarpoq, nunatsinni ullormik sulinngiffimmik inatsisikkut aalajangersagaqanngitsugut¹, ullulli sulinngiffissat isumaqatigiissutit ataasiakkaat isumaqatigiissutigineqarneranni, immaqalu sulisut ataasiakkaat atorfininneranni pissutsitigut aalajangerneqartarlutik. Ulloq sulinngiffik atuuttoq atorlugu imaluunniit ullormik (affarmik) sulinngiffeqarnissamik pilersitsinermik politikikkut aalajangerneq taamaalilluni kattuffiit isumaqatigiinniarnermi kiffaanngissuseqarnerannut akuliunneruvoq. Isumaqatigiinniarnermi kiffaanngissuseqarneq taanna sulisartut sulisitsisullu kiffaanngissuseqarlutik isumaqatiginninniartarnissaannut tunngaviuvoq. Naalakkersuisuusimasut taamaammat oqaatiginikuuaat, politikikkut akuliunnerup kingunerisinnaasaa tassaasoq, kattuffiit taaneqartut isumaqatigiissutit unioqqutinneqarnerat pissutigalugu eqqartuussivinni suliassanngortitsisinnaanerat.

Aningaasaqarnermut Sulisoqarnermullu Aqutsisoqarfiup (ASA) UKA2024/57-imut allannguutissatut siunnersuut akuerineqartoq aallaavigalugu pisortani namminersortunilu suliffeqarnermi illuatungeriit arlallit attaveqarfigai. Suliaq taanna suli qinersisoqanngitsoq aallarereerpoq, sulilu qinersereernerup kingorna ingerlalluni. ASA-p tamanna pillugu tusarniaanermi allaganngorlugit akissutit ukioq manna kingullermik

¹ Ullukinneq pillugu apeqquq nalliutuuunngitsutut kisianni ulloq sulinngiffittut suliarineqarpoq. Siullertut taaneqartoq ilagiinnut attuumassuteqarpoq, ullullu ilaanni sulinngiffik pillugu apeqquq isumaqatigiissutit tunngalluni. Taamaalilluni nalliuttoq aatsaat tamanna pineqartup isumaqatigiissutaa imaluunniit sulisitsisut atorfillillu ataasiakkaat akornanni allatigut isumaqatigiissuteqarpata ulloq sulinngiffiussaaq.

apriilip maajillu ingerlaneranni tiguai. Aqutsisoqarfimmit allakkiaq, kattuffiit oqariatuutaannik imaqartoq, ilanngunneqarpoq.

Ullut sulinngiffiit atuuttut atorunnaarsinnissaat pillugu politikikkut aalajangiineq, isumaqatigiissutinik illuatungeriit ataatsimut isigalugu, tapersinngilaat. Sulisut sulisitsisullu kattuffiisa isumaqatigiinniarfigisaminni politikikkut akuliuttoqarnissaa kissaatiginngilaat. Tamatuma saniatigut illuatungeriit amerlanerit, kattuffiit ullut sulinngiffiit namminneq isumaqatigiissutigini kuusai aamma ataatsimut aningaasarsiatigut pingaarnersuinnikkut aningaasalersugai, politikikkut akuleruffigineqarnissai kissaatiginngilaat. Tusarniaanermi atuarfiit aamma oqaatigaat, meeqqat atuarfiat pillugu inatsimmi atuutut ullut atuarfii ukiumut 200-nissaat peqqussutigineqartoq, aamma ilinniartitsisut atuutullu qanorluunniit pisoqaraluarpat ulloq 21. decembari juullimi aamma atuannigiffeqartartut. Ukiumut ullut suliffissat tamarmiusut ikilisinnerisigut amerlanerusunik sulinngiffeqarnissaaq periarfissaasoq tusarniaaffigineqartut arlallit oqaatigaat. Tamatuma saniatigut Sulisitsisut oqaatigaat, nuna tamakkerlugu ullormik sulinngiffeqarfissamik politikikkut qulaanit aalajangersaaneq, juullimut niuernermut sunniuteqarsinnaasoq. Aammalu erseqqissaatigineqassaaq, politikikkut aalajangiisoqaraluarpalluunniit suliffeqarfiit tamarmik ulloq tamaat sulinngiffeqarsinnaanngimmata. Pineqartut tassaapput peqqinnissaqarfik, qatserisartut, isumaginninnermi suliassaqarfiit ilaat il.il.

Naalakkersuisut paasisstutissat taakku immikkut ataatsimut isummerfiginissaannik periarfissaqarsimanngillat, taamaammallu maannakkuugallartoq inatsisissatut siunnersuummik, apeqquteqartup taasaatut, saqqummiussisoqarnissaa aamma isummerfiginagu.

Ullukinneq nunatsinni ullutut nalliuttutut politikikkut aalajangerneqareernera erseqqissaatigineqassaaq, tak. UKA2018/166. Naalakkersuisut ullukinnerup sumiiffinni ullorsiutigineqartareernera malunnartinneqartareernalu iluarisimaarpaat. Tamatuma siunissami ingerlaannarnissaa Naalakkersuisut neriutigaat.

Taamaalillutik Naalakkersuisut ullukinneq annertuumik pingaartippaat, tamannami kulturitta ilagilluinnarmagu. Taamaattoq isumaqatigiissutinik illuatungeriit isumaqatiginninniarsinnaatitaanerit Naalakkersuisut aamma ataqqivaat, inatsisissatullu siunnersuuteqartoqassappat illuatungeriit qanimut akuliutsissallugit.

Taamattaq Naalakkersuisut apeqqummut uunga Inatsisartut kissaataat tusaajumavaat.

A. Akissut aappiuppat, Naalakkersuisut pisortani namminersortunilu immikkoortumi illuatungeriinnik isumaqatiginninniarnernik ingerlatsisunik ullormit allamit ullup affaanik ullormilluunniit ilivitsumik ullukinnermi ullup affaani ullormilluunniit ilivitsumi nuullugu sulinngiffinngortinnissaa siunertaralugu oqaloqatiginninnerit suna inerneraat?

Akissut:

Apeqqut 1-imut akissut innersuutigineqarpoq.

B. Akissut naamiuppat, ullukinnerup ullutut sulinngiffittut/nalliuttutut pingaarnersiorneqannginnera pillugu Naalakkersuisut nassuiaanissaannik qinnuigineqarput.

Akissut:

Apeqquut 1-imut akissut innersuutigineqarpoq.

Inussiarnersumik inuulluaqqusillunga



Múte B. Egede